



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ

0090, ք.Երևան, Շոպրոնի 77, Հեռ.010512953, էլ. փոստ patrol-service@police.am

N ՅԻ/11079

< 23 > 06 2022թ.

Կարեն Սարգսյանին

Հասցե՝ ք. Երևան, Սունդուկյան 9 բն. 44

Ուղարկում եմ ՀՀ ոստիկանության պարեկային ծառայության 03.06.2022թ. կայացված 8200186355 որոշումը բեկանելու և գործը նոր քննության ուղարկելու մասին որոշման օրինակը:

Առդիր՝ <<2>> թերթից:

Հարգանքով՝

Պետ, ոստիկանության գնդապետ՝

Ա. ՈՒՄՐՇԱՏՅԱՆ

կատարող՝ Ն. Քոչարյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 03.06.2022թ. կայացված 8200186355 որոշումը բեկանելու և գործը նոր քննության ուղարկելու մասին

<<22>> հունիսի 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշատյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածով, վերանայելով 03.06.2022թ. կայացված թիվ 8200186355 որոշումը,

Պ Ա Ր Զ Ե Ց Ի

2022 թվականի հունիսի 03-ին ՀՀ ոստիկանության պարեկային ծառայության Երևան քաղաքի գնդի 1-ին գումարտակի հրմանատար Արամ Դադոյանը զեկուցագիր է ներկայացրել այն մասին, որ նույն գումարտակի 3-րդ վաշտի պարեկ Արսեն Մելքոնյանը 03.06.2022թ.-ին փորձել է էլեկտրոնային եղանակով կազմել վարչական իրավախախտման վերաբերյալ արձանագրություն այն բանի համար, որ քաղաքացի Կարեն Հարությունյանը նույն օրը ժամը 15:40-ի սահմաններում ք. Երևան Աճառյան փողոցում վարել է <<Նիսան>> մակնիշի 01 KS 077 հաշվառման համարանիշի տ/մ-ն՝ հաշվառման համարանիշը ոչ սահմանված վայրում փակցնելու համար, սակայն շփոթմամբ վարչական ակտը կայացրել է առանց հաշվառման համարանիշեր տ/մ-ն վարելու համար, ինչի արդյունքում վարորդը զրկվել է տ/մ վարելու իրավունքից՝ մեկ տարի ժամկետով:

Զեկուցագրին կից ներկայացվել են նույն գումարտակի 3-րդ վաշտի պարեկ Արսեն Մելքոնյանի զեկուցագիրը, վարչական իրավախախտման վերաբերյալ արձանագրությունը, թիվ 8200186355 որոշումը:

20.06.2022թ.-ին ՀՀ ոստիկանության պարեկային ծառայություն է ներկայացել թիվ 8200186355 վարչական ակտի հասցեատեր Կարեն Հարությունի Սարգսյանը և տվել բացատրություն այն մասին, որ նշված օրը և ժամին ինքը վարել է <<Նիսան>> մակնիշի 01 KS 077 հաշվառման համարանիշի տ/մ-ն՝ հաշվառման համարանիշերը ոչ սահմանված վայրում փակցված վիճակում, սակայն պարեկային ծառայողների կողմից սխալ վարչական ակտի կայացման արդյունքում ինքը զրկվել է տ/մ վարելու իրավունքից՝ մեկ տարի ժամկետով, խնդրել է բեկանել թիվ 8200186355 որոշումը և որպես ապացույց ներկայացրել թվով երկու գունավոր լուսանկարներ, որոնք ըստ Կարեն Սարգսյանի պնդման՝ արված են սխալ վարչական ակտ կայացնելուց անմիջապես հետո:

Լուսանկարների ուսումնասիրությամբ պարզվել է, որ դրանք կատարված են տ/մ-ի առջևի և հետևի հատվածներից: Առջևի հատվածից կատարված լուսանկարի ուսումնասիրությամբ երևում է <<Նիսան>> մակնիշի տ/մ-ն, որի առջևի թափարգելը վնասված է և 01 KS 077 հաշվառման համարանիշը տեղադրված է սրահի մեջ՝ առջևի հողմապակու ներքևի հատվածում:

Վերոգրյալի ուսումնասիրությամբ պարզվում է, որ ՀՀ ոստիկանության պարեկային ծառայության Երևան քաղաքի գնդի 1-ին գումարտակի 3-րդ վաշտի պարեկ Արսեն Մելքոնյանի կողմից թիվ 8200186355 որոշումը կայացվել է օրենքի խախտմամբ, սակայն

քաղաքացի Կարեն Հարությունի Սարգսյանի արարքում առկա է այլ իրավախախտման հատկանիշներ, այսպես՝

«Ճանապարհային երթևեկության մասին» կոնվենցիայի 36-րդ հոդվածի 1-ին մասի համաձայն՝ միջազգային երթևեկության մեջ գտնվող յուրաքանչյուր ավտոմեքենայի վրա առջևից և հետևից պետք է զետեղվի գրանցման համարը, սակայն մոտոցիկլետների վրա այդ համարը պետք է զետեղվի միայն հետևից:

Նույն կոնվենցիայի Հավելված 2-ի 3-րդ հոդվածի համաձայն՝ եթե հաշվառման համարանիշը նշված է ցուցանակի վրա, ապա այդ ցուցանակը պետք է լինի հարթ և ամրացված լինի ուղղահայաց կամ գրեթե ուղղահայաց դիրքով՝ տրանսպորտային միջոցի միջին երկայնակի կտրվածքին ուղղաձիգ: Եթե համարը նշվում կամ գրվում է ներկով հենց փոխադրամիջոցի վրա, ապա մակերևույթը, որի վրա այն նշվում կամ գրվում է ներկով, պետք է լինի տափակ, ուղղահայաց կամ համարյա տափակ և փոխադրամիջոցի միջին երկայնական հատվածքին ուղղահայաց:

«Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին» ՀՀ կառավարության 955-Ն որոշման հավելված 2-ի 6-րդ կետի 18-րդ ենթակետի համաձայն՝ տրանսպորտային միջոցի այլ անսարքություններն ու պայմաններն են՝ հաշվառման համարանիշերը կամ դրանց տեղակայման (ամրացման) ձևը չեն համապատասխանում օրենսդրության կամ ստանդարտների պահանջներին:

«Վարչական իրավախախտումների վերաբերյալ» ՀՀ օրենսգրքի 123.5-րդ հոդվածի 2-րդ մասի համաձայն՝ տրանսպորտային միջոցի հաշվառման համարանիշը սահմանված տեղում չփակցնելը՝ առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով:

Այսպիսով դիմումատուի արարքում բացակայում է «Վարչական իրավախախտումների վերաբերյալ» ՀՀ օրենսգրքի 123.5-րդ հոդվածի 4-րդ մասով նախատեսված վարչական իրավախախտման դեպքը, սակայն առկա է նույն օրենսգրքի 123.5-րդ հոդվածի 4-րդ մասով նախատեսված իրավախախտման դեպքը, որը պատասխանատվություն է նախատեսում նվազագույն աշխատավարձի հնգապատիկի չափով:

Ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 293-րդ հոդվածի 1-ին մասի 2-րդ կետով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 03.06.2022թ. կայացված թիվ 8200186355 որոշումը բեկանել և գործն ուղարկել նոր քննության:
2. Սույն որոշման օրինակն ուղարկել Կարեն Սարգսյանին և ՀՀ ոստիկանության պարեկային ծառայության Երևան քաղաքի գունդ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով սահմանված ժամկետներում:

Պետ, ոստիկանության գնդապետ՝

Ա.Ումրշատյան